

SCRIPT OF EVENING GOJRI NEWS BULLETIN 7JAN 2026 1700HRS

ایوننگ گوجری نیوز بولٹن 7 جنوری 2026

یوہ آکاشوانی جموں بے محمد اشفاق تے نصرت چودھری تیں خبر سُنو۔

HEADLINES

۱. لیفٹینٹ گورنر منوج سنہا اج آن لائن پروگرام غے ذریعے جموں کشمیر غا نوجوان گروپ نانہہ وکست بھارت نوجوان رہنمائی گفتگو 2026 غے تحت قومی نوجوان میلا واسطے نویں دلی روانہ کریں گا۔

۲. وزیر اعلیٰ عمر عبداللہ نے اج کٹھوعہ ضلع مانہہ ترقیاتی کمان گو جانیزو لین تے اُنہاں نانہہ ویلے سرے مکمل کرن بارے ایک میٹنگ غی صدارت کی۔

۳. مرکزی وزیر ڈاکٹر جتندر سنگھ نے دسیو جے بدھرواہ علاقہ گا مٹھولاں توں سیوج دھر توڑی ایک کیبل کار یعنی گنڈولا پروجیکٹ دتو جے غو۔

۴. نویڈا مانہہ پلک تی شروع ہون آلی 9 ویں انڈس فوڈ ایکسپو 2026 مانہہ جموں کشمیر اپنو خیموں قائم کرے غو۔

۵. محکمہ موسمیات نے دسیو بے جے 22 جنوری توڑی موسم مانہہ عام طور کانے بڑی تبدیلی نئیں دیکھی جے غی۔

LG YOUTH FESTIVAL

لیفٹینٹ گورنر منوج سنہا نے اج جموں غا کنونشن مرکز مانہہ آن لائن پروگرام غے ذریعے جموں کشمیر غا نوجوان گروپ نانہہ 29 ویں قومی نوجوان میلا، وکست بھارت نوجوان رہنمائی گفتگو 2026 واسطے روانہ کریں گا۔ اس موقع ور لیفٹینٹ گورنر نوجواناں تیں ملاقات کریں غا، مُنتخب کیا گیا 63 رُکنی گروپ 10 تیں 12 جنوری توڑی نوی دہلی غا بھارت منڈیم مانہہ جموں کشمیر غی نمائندگی کریں گا۔ ان نوجواناں نانہہ وکست بھارت غا زمرہ 30 تے ثقافتی زمرہ 23 غے تحت مُنتخب کیو گیو بے۔ یاہ تقریب نوجواناں نانہہ اگے بدھان واسطے رکھیں جیں، تے یاہ سوامی وویکانند جی غی پیدائش غی سالگرہ غا موقع ور منائی جے۔

CM KATHUA

وزیر اعلیٰ عمر عبداللہ نے کٹھوعی ضلع مانہہ ترقیاتی کمان گو جانیزو لین خاطر ایک اجلاس غی صدارت کی اجلاس مانہہ کابینہ گا وزیر، وزیر اعلیٰ گا مشیر ڈی ڈی سی چنیر پرسن تے مقامی ایم ایل اے نے شرکت کی وزیر اعلیٰ نے تمام محکمہ نانہہ ہدایت جاری کی جے وے منظور شدہ منصوبیاں ور تیزی سنگ کم کریں تاجے کم کاجی معاملات نانہہ ویلے سرے مکمل کیو جاسکے اس دوران وزیر اعلیٰ عمر عبداللہ نے پانی، بجلی غی فراہمی صحت غی دیکھ بھال تے تعلیم گا بُنیادی ڈھانچہ نانہہ مضبوط کرن ور زور دتو۔

BHADERWAH GONDOLA

بھدرواہ مانہہ مٹھولا تیں سیوج دھار توڑی گنڈولا پروجیکٹ لایو جے غو، جس سنگ اس خوبصورت برفانی علاقہ مانہہ سیاحت مانہہ اضافو وے غو۔ مرکزی وزیر ڈاکٹر جتندر سنگھ نے سماجی میڈیا ور دسیو کہ قومی شاہراہ ور سامان غی ترسیل تے نظام نانہہ سنبھالنے آلی کمپنی نے اس پروجیکٹ واسطے تفصیلی منصوبہ رپوٹ بنان واسطے پیش کش منگی ہیں۔ اُنہاں نے کہیو کہ ڈی پی آر جنوری غا آخر توڑی دتی جاسکیں تے اس تیں بعد چار مہینہ مانہہ ممکنہ جانچ مکمل وے غی۔ پروجیکٹ مکمل ہون تیں بعد خاص طور ور سردیاں مانہہ سیاح آئیں گا جس سنگ مہماتی سیاحت بدھے غی تے علاقہ غی خوبصورتی نانہہ پہچان لےے غی۔

TOURISM INFLOW

وادی کشمیر ماتہ سیلانیاں غی آمد ماتہ لگاتار بابدو ہو ریوہو بے متا سارا سیلانیاں گو کہنو بے جے دنیا بھر ماتہ سفر کرن غے باوجود وی کشمیر جیسی خوبصورت جگہ دنیا ماتہ نہیں بے تے اس گا بے مثال جن غی جتنی تعریف کی جے کہت بے قابل ذکر بے جے تازہ برف بازی سنگ ٹنگ مرگ غے قریب درنگ جمیا وا آپشار غی وجہ سنگ ات گو منظر متو پرکشش نظر آریوہو جے جہیزو سیلانیاں ماتہ اپنی طرف متوجہ کر رہیوہو بے اس دوران سیلانی برف سنگ لپٹی وی کشمیر ماتہ دیکھ غے جوش ہوتاں واں تصویر نگاری تے برف ماتہ کھیڈ کود سنگ لطف اندوز ہو رہیاہی اس موقع ور مقامی تاجراں گو کہنو بے جے سیلانیاں گی اس آمد ورفت سنگ معشیت ماتہ بابدو وے غو اس سلسلہ ماتہ بولتا واں گجھ سیلانیاں نے اس طرح کہیو۔

JJM IRREGULARITIES

مہارا ضلعی نمائندہ اچن دوہے ے رپوٹ ثوری بے جے جموں کشمیر ماتہ جل جیون مشن گا نفاز ماتہ مبینہ بے ضابطگیاں غی تحقیقات خاطر بنانی گئی ہاوس کمیٹی نے اج ضلع ادھمپور ماتہ جے جے ایم سکیم غے مطابق کم کاج گو جانیزو لیو چنیر مین حسین مسعودی غی سربراہی ماتہ مرکزی تے ریاستی حکام سمیت اس کمیٹی گو مقصد دیہی علاقہ ماتہ پانی غی فراہمی گا معیار ماتہ بابدو دینو تے چل رہیا پروجیکٹاں غی ہر وقت تکمیل کاری ماتہ یقینی بنایو جے غو اس دوران کمیٹی نے ٹکری تے تھل گراں ماتہ بیریا پنچانیت گو دورو کیو تے مشن غے تحت شفافیت تے جوابدیہی ماتہ یقینی بنان خاطر معیاری چیک لسٹاں غو معائنو کیو گیو آکاشوانی سنگ گل کرتا واں جل جیون بارے ہاوس کمیٹی گا چنیر مین جسٹس حسین مسعودی نے اس طرح کہیو۔

INDUS FOOD EXPO

انڈس فوڈ گا 9 واں ایڈیشن ، جہیزو ایشاء غی بڑی خوراک تے پین غی چیزاں گی کاروباری نمائش بے ، 8 تیں 10 جنوری 2026 نوڑی گریٹر نونیدا غا انڈیا ایکسپوزیشن مارٹ ماتہ وے غی۔ یوہ پروگرام بھارت غی تجارتی ترقی کونسل غے ذریعے منعقد کی جارنی بے جس غو مقصد کھان پین غا کاروبار ماتہ عالمی تجارت ماتہ بدھاتو بے۔ جموں کشمیر تجارتی ترقی کونسل ات ایک خاص جے اینڈ کے پویلین لائے غی۔ جت جموں کشمیر غا زرعی تے کھان غی اشیاء دسی جیں غی تاجے مقامی کاروباری لوک غیر ملکی خریداراں تیں رابطو کرسکیں تے برآمدات بدھا سکے۔

AIIMS Jammu

ایمز جموں نے اک اہم سنگ میل حاصل کرتاں واں 1 ہزار 8 سو 56 کروڑ روپیاں غا طے شدہ منصوبہ پورا کر لیا ہیں۔ جہیزو جموں کشمیر ماتہ صحت دیکھ بھال غی مضبوطی ماتہ بدلاؤ کن ثابت وین گا۔ یوہ سب پرگتی پلیٹ فارم تے وزیر اعظم غی قیادت غی مدد نال رکا وٹاں ماتہ دور کر غے ممکن ہو سکيو بے۔ جس ماتہ مرکز تے یوٹی سرکاراں غی نیڑوی شراکت وی شامل بے۔ توقعو بے جے ایمز جموں ان پروجیکٹاں غی مدد نال جدید طبی دیکھ بھال تے معیاری صحت ماتہ یقینی بنا سکے گو۔

DRUG ABUSE COMMITTEE

جموں کشمیر حکومت نے نشاء غا شکار لوکاں غی بحالی واسطے ایک خاص کمیٹی بنانی بے۔ حکومت نے حکم دتو بے کہ اس کمیٹی ماتہ محکمہ صحت و طبی تعلیم غا انتظامی سیکرٹری تے دیہی ترقی تے پنچانیتی راج محکمہ غا انتظامی سیکرٹری ماتہ وی ممبر بنایو جے غو۔ اس قدم غو مقصد یوہ بے کہ نشاء تیں متاثرہ لوکاں غی مدد تے ان غی بحالی غا کماں ماتہ مضبوط کیو جاسکے تے سب محکمہ مل غے کم کریں۔ یاہ کمیٹی نشہ روکن ، علاج کرن تے متاثرہ لوکاں ماتہ دوبارہ سماج ماتہ شامل کرن واسطے موثر طریقہ اپناوے غی۔

JMU POLICE ILLEGAL MINING

غیر قانونی کان کنی کے خلاف ایک مضبوط تے مسلسل کارروائی ماتہ جموں پولیس نے سال 2025 کے دوران ضلع جموں ماتہ قدرتی وسائل کا غیر قانونی استحصال تے منظم خلاف ورزیاں نانہ روکن خاطر برو قدم چایو گیو تھو اس سلسلہ ماتہ سال 2025 کے دوران تمام پولیس چوکیاں ماتہ غیر قانونی کان کنی کے خلاف خصوصی مہم چلائی گئی تھی جس ماتہ قریب غیر قانونی کان کنی ماتہ ملوث 6 سو 31 گڈیاں نانہ ضبط کیو گیو جن بچوں 5 سو 72 گڈیاں نانہ قانونی ضابطاں نانہ پورو کرن توں طعد چھوڑ دتو گیو تھو سال کے دوران خلاف ورزی کرن آلا ور کل ملا کے 99 لکھ 85 ہزار 3 سو 27 روپیاں غی رقم غو جرمانو عاند کیو گیو۔

SAMBA FIREARMS ORDER

سامبہ غی ضلع مجسٹریٹ آیوشی سوڈن نے حکم جاری کیو ہے کہ جن لوکاں کے کول دو یا دو تیں زیادہ ہتھیار ہیں جن ہتھیاراں ور یونیک شناختی نمبر نی ہے تے جن لائسنس آلاں غو انتقال ہو چکو ہے ان غا ہتھیار حکومت نانہ جمع کرانا لازمی ہے۔ یہ تمام ہتھیار 15 دناں کے اندر متعلقہ حکام کے پاس جمع کرانی وے غی انتظامیہ نے خبر دار کیو ہے کہ اگر کوئی اس حکم ور عمل نہ کرے غو تاں اس کے خلاف قانونی کارروائی کی جے غی۔ لوکاں تیں کہیو گیو ہے کہ عوام غی حفاظت واسطے ان ہدایات ور عمل کریں تے سزا تیں بچیں۔

WEATHER

جموں کشمیر ماتہ محکمہ موسمیات نے اج کہیو ہے کہ 22 جنوری توڑی موسم زیادہ تر خشک تے ٹھیک رہ غو تے اس دوران موسم ماتہ کائے خبرانی غا امکان نی ہیں۔ محکمہ موسمیات غا ڈائریکٹر مختار احمد نے اس بارے اس طرح کہیو۔
